

طقس القداس

قداس الموعوظين

بعد تقديم الحَقْل بيجي جزء تعليمي في القداس: قداس الموعوظين اللي بنقرا فيه أجزاء من الكتاب المقدس زي ما هانشوف

قداس الموعوظين

الموعوظين هم الناس اللي في طريقهم لدخول الإيمان, لكن لسة ماتعمّدوش فمايقدروش يتناولوا

سبب الاسم إن الجزء ده بس هو الى بيقدّر يحضره الموعوظين ... لكن طبعاً المؤمنين المتعمّدين هم كمان بيحضره

الجزء ده هو **الجزء التعليمي** اللي في القداس ... بيتكوّن من القراءات (بولس و كاثوليكون و إبركسيس و سنكسار و مزمور و إنجيل)

شرح للقراءات في القداس للأنبا رافائيل من برنامج رحلة للسما على قناة Koogi

رحلة للسما - حلقة 4 - القراءات - الأنبا رافائيل - قناة كوجي القبطية الأرثوذكسية للأطفال



اليوليس

دور الشعب

بعد تحليل الخدّام بنقول **لحن خاص بأمنّا العدرا زي**:

1. **تي شوري** في الأصوام و سبوت و آحاد الصوم الكبير
2. **انثوتي تي شوري** في باقي أيام الصوم الكبير و أيام صوم أهل نينوى



3. [طاي شورى](#) في كل أيام الفطار

💡 العذراء مريم تقودنا في التسبيح في القداس رحلتنا للسما تماماً كما فعلت مريم اخت موسى حينما قادت الشعب بالتسبيح بعد أن أنقذ الرب شعب بنى إسرائيل من فرعون بعبور البحر الأحمر

🎵 بعد كده, ممكن نقول لحن أو 2 كمان:

1. **الهيثنيات** : تمجيد للقديسين
2. **بى اهموت غار** : يقال هذا اللحن في حالة وجود الأسقف و في الأعياد

السبب الرئيسي إننا بنقول لحن عن العذراء في الوقت ده إن أبونا بيمسك الشوربة و يعمل دورة البولس ... و كل ما ده يحصل, بنفكر الشورية الحقيقية (العذراء مريم) التي حملت جمر اللاهوت بداخلها

دور الشماس

✚ الشماس بيقرأ البولس (جزء من رسالة من ال14 رسالة بتوع القديس بولس الرسول):

1. بالقبطي: إذا سمح الوقت, على المنجلية القبطي (اللي باصة ناحية الشرق)
2. بالعربي: على المنجلية العربي (اللي باصة ناحية الشعب)

الجزء اللي هايتقري بيتحدّد **على حسب سنكسار اليوم** ... يعني مثلاً لو تذكّر نياحة بطرك, بنلاقي فصل من الرسالة الثانية لتيموثاوس بيتكلم عن الرعاية

🔑 الشماس اللي بيقرأ المفروض يكون على الأقل أغنسطس ... و لازم يكون فاهم كويس جداً اللي بيقرأه و يقرأه بطريقة تفسيرية عشان الشعب كمان يفهم
نقدر نلاقي معلومات أكثر عن [رتب الشمامسة](#)

نقدر نلاقي [ملخص لكل رسالة من رسائل البولس](#)

دور الكاهن

✚ أبونا بيعمل **دورة البولس** زي ما بنشوف في الفيديو ده

🎥 فيديو لدورة البولس من القداس من كنيسة رئيس الملائكة الجليل رافائيل - بالهانوفيل

" تقديم الحمل و دورة البولس " عيد الرسل 2013



1. يضع يد بخور فى الشورية و يقرأ سر بخور البولس سرّاً

انعم لنا و لشعبك بعقل غير منشغل و فهم نقي لكي نعي و نفهم ما هى منفعة تعاليمك المقدسة التى تُقرأ علينا
 إجعلنا مستحقين ان نكون متشبهين به (بولس) فى العمل و الايمان


— سر البولس - القداس الباسيلي و الغريغوري و الكيرلسي

البخور بيرمز لصلوات القديسين, و له استخدامات و رموز مهمة جداً في صلوات الكنيسة زي ما ممكن نقرا [هنا](#)

2. بعد كده أبونا بيبخّر 3 دورات داخل الهيكل حول المذبح و هو يقول الثلاث أوأشى الصغار (السلامة - الآباء- الاجتماعات)

قدّام أبونا بيلف شماسين: واحد ماسك الصليب (بيتقدّم) و واحد ماسك البشارة ... لأن الصليب كان قبل الكرازة


3. بعد كده كلّهم بيخرجوا, و أبونا بيبخّر قدّام الهيكل على ترتيب الصورة دي
 للثالوث القدوس - بعد كده أمنا العدرا - بعد كده الملائكة - بعد كده القديس يوحنا المعمدان - بعد كده
 الثالوث القدوس تاني



St-Takla.org

ناخد بالنّا إن أبونا بيبخّر في اتّجاه الأيقونات (العدرا أيقونتها على يمين المذبح لأنها الملكة الجالسة عن يمين الملك, و يوحنا المعمدان صديق العريس أيقونته على يسار المذبح)

4. بعد كده أبونا بياخد بركة الإنجيل (من المنجلية) و بيعمل دورة البولس من قبلي لبحري (يعني من ناحية الرجال و بعد كده يرجع من الممرّ الرئيسي اللي في النّص و بعد كده يكفل النص الثاني ناحية السيدات) و هو يقول (بركه بخور البولس فلتكن معنا امين) ... زي ما بنشوف في الصورة دي



أبونا بيلف الكنيسة كلها زي ما بولس الرسول لف العالم كله

فى أثناء قيام أبونا بالدورة: احنا بنقوم بتقديم اعترافتنا السريعة و احنا كلنا ثقه انها هتوصل لربنا لأنها بتصعد مع البخور المتصاعد من الشورية

5. بعد كده يرجع و يقف امام الهيكل و يقول سر الرجعة (سر اعتراف الشعب)

يا الله الذي قبل إليه اعتراف اللص اليمين علي الصليب المكرم، اقبل إليك اعترافات شعبك و اغفر لهم كافة خطاياهم من أجل اسمك القدوس الذي دعي علينا. كرحمتك و ليس كخطايانا.

— سر اعتراف الشعب - القداس الباسيلي و الغريغوري و الكيرلسي

يقدم لربنا اعترافات شعبه التي أخذها أثناء عمله الدورة

6. في الآخر بيدخل الهيكل و يعمل دورة واحدة داخل الهيكل ... بعد كده الشماس بياخد الشورية من أبونا و يضعها على الحامل بتاعها في الهيكل

تشير الى رجوع بولس الى اورشليم مرة ثانية بعد رحلات التبشير (في آخر [الرحلة التبشيرية الثالثة](#))

دور الشعب

✪ ممكن قبل الكاثوليكون يتقال **مرد الكاثوليكون لحن (ابتجيك ايفول)**

الألحان اللي بنقولها بنصلى فيها و بنرفع قلوبنا لربنا بالتوبة علشان ينصف قلبى و عقلى فأعرف أسمع و أفهم كلامه فى القراءات

دور الشماس

✚ الشماس (على الأقل أغنسطس) بيقرأ الكاثوليكون (جزء من رسالة آبائنا الرسل) بالقبطي و بعد كده بالعربي (زي البولس)

💡 كلمة (كاثوليكون) باليوناني يعني (جامعة) ... لأن الرسائل دي مُرسلة لكنائس العالم كله، و بتكوّن من رسائل:

1. القديس يعقوب [أخو الرب] (رسالة واحدة)
2. القديس بطرس (رسالتين)
3. القديس يوحنا الحبيب (3 رسائل)
4. القديس يهوذا [أخو الرب] (رسالة واحدة)

الجزء اللي هايتقري بيتحدّد **على حسب سنكسار اليوم** ... يعني مثلاً لو تذكّر نياحة بطرك، بنلاقي فصل من الرسالة الأولى للقديس بطرس بيتكلّم عن تقديم الأسقف لنفسه كقدوة فى الرعاية

نقدر نلاقي [ملخص لكل رسالة من رسائل الكاثوليكون](#)

دور الكاهن

بالنسبة للكاثوليكون، مفيش دورة ... أبونا بيقرأ سر الكاثوليكون سرّاً من غير دورة ... إشارة لوعد الرب الى تلاميذه بألا يبرحوا أورشليم حتى يأخذوا قوة من الأعلى (الروح القدس)

اجعلنا مستحقين نصيبتهم (الرسل) و انعم لنا كل حين أن **نسلك فى آثارهم** و نكون متشبّهين بجهادهم

— سر الكاثوليكون - القداس الباسيلي و الغريغوري و الكيرلسي

الإبركسيس

دور الشعب

✪ بعد الكاثوليكون بنقول **مرد الإبركسيس** اللي بيختلف حسب المناسبة:

1. **شيرى ني ماريا** فى الأيام السنوي (و ممكن بعدها يُضاف ملاك أو قديس اليوم أو الكنيسة)
2. **شاري افنوتي** فى أيام الصوم الكبير و أيام صوم أهل نينوى
3. **آري باميفئي** فى سبوت و آحاد الصوم الكبير
4. كل عيد سيّدي له مردّ خاص

دور الشماس

✚ الشماس (أغنسطس على الأقل) يقرأ الإبركسيس (جزء من سفر أعمال الرسل اللي كتبه القديس لوقا الرسول) بالقبطي و بعد كده بالعربي (زي البولس)

🟩 كلمة (إبركسيس) كلمة قبطية معناها (أعمال)

الجزء اللي هایتقري بيتحدّد على حسب سنكسار اليوم ... يعني مثلاً لو تذكّر نياحة بطرك، بنلاقى خطاب القديس بولس الوداعي لكنيسة أفسس بيتكلّم عن صفات الخادم الراعي زي ما عملها القديس بولس

دور الكاهن

✚ أبونا بيعمل دورة الإبركسيس



1. يقول سر الإبركسيس سرّاً

يا الله الذي قبل إليه محرقة إبراهيم و بدلاً عن إسحق أعددت له خروفاً، هكذا إقبل منا أيضاً يا سيدنا محرقة هذا **البخور** و أرسل لنا عَوْضه رحمتك الغنية.
إجعلنا نكون أنقياء من كل نَتْن الخطية و إجعلنا مستحقين ان نخدم أمام صلاحك يا محب البشر بطهارة و بر كل أيام حياتنا بالمسيح يسوع ربنا هذا الذي ينبغي لك معه المجد و الإكرام ...

— سر الإبركسيس - القداس الباسيلي و الغريغوري و الكيرلسي

2. بعد كده أبونا **بيبخر 3 دورات داخل الهيكل حول المذبح** و هو يقول الثلاث أوأشى الصغار (السلامة - الآباء- الاجتماعات)

3. بعد كده بيخرج، و **بيبخر قدام الهيكل** زي دورة البولس

4. بعد كده أبونا **يعمل دورة الإبركسيس في مكان الخورس بس و هو يقول:**
بركه سادتي الآباء الرسل المقدسة فلتكن معنا امين

يذكرنا بأن الرسل كانوا قد بدأوا عملهم الكرازي داخل أورشليم و اليهودية فقط حسب وصيه السيد المسيح

يطوف أبونا في الدورة من ناحيه قبلى إلى بحرى عكس دورة البولس (إشارة الى تقديس جميع جهات الارض)

5. بعد كده يرجع و يقف أمام الهيكل و يعطى الشورية إلى الشماس **دون أن يقوم بعمل دورة فى الهيكل** مثلما عمل فى دورة البولس

إشارة أن معظم الرسل قد استشهدوا خارج اورشليم و لم يعودوا اليها بعد خروجه للكراسة

أبونا كده يبقى عمل 7 دورات كاملة حول المذبح: 4 فى البولس و 3 فى الابركسيس ... و هذا يذكرنا بدوران شعب بنى اسرائيل مع كهنتهم و تابوت العهد 7 مرات حول أسوار أريحا حتى سقطت أسوار الشر

السنكسار



السنكسار هو سيرة القديسين اللي في الكنيسة ... أول من كتبه الأنبا ميخائيل أسقف (أتريب) و هو من آباء القرن الـ 13

الكنيسة بتقراه بعد الإبركسيس مباشرةً لأن السنكسار من الناحية الكنسية هو امتداد لسفر أعمال الرسل ... معظم القديسين كملوا تاريخ الكنيسة بعد أعمال الرسل

أيام الخماسين لا نقرأ السنكسار (لأننا نركز مع فرحنا بقيامة السيد المسيح) ... و بدل السنكسار بنعمل دورة القيامة

السنكسار بنلاقي فيه:

1. الأعياد السيّدية
2. أعياد شهرية للقديسين (العدرا و الملاك ميخائيل)
3. تذكّار نياحة أو استشهاد آبائنا قديسين و أنبياء العهد القديم
4. تذكّار نياحة أو استشهاد آبائنا الرسل
5. تذكّار استشهاد آبائنا شهداء العهد الجديد
6. تذكّار نياحة آبائنا الرهبان و أمهاتنا الراهبات و القديسين و القديسات
7. تكريس كنائس الشهداء و القديسين
8. نياحة آبائنا البطارقة
9. معجزات ربنا عملها و تمجّد بيها مع شعبه على مدار تاريخ الكنيسة أو أحداث مهمة في تاريخ الكنيسة (زي المجامع المسكونية)

نقدر نلاقي السنكسار [هنا](#)

بعد السنكسار ممكن نقول (أكسيا) أو (أكسيوس) لقديس اليوم ... بعد كده بنقول لحن أجيوس

اللحن ده هو تسبحة الملائكة (زي ما إشعياء النبي شاف في الرؤيا) ... و حسب التقليد سمعه القديس يوسف الرامي أثناء تكفين جسد السيد المسيح

أوشية الإنجيل

أبونا بيخط يد بخور واحدة و ياخد الشورية و يصلي خارج الهيكل و وجهه للشرق
الشماس بيقف وراه و هو ماسك البشارة و قدامها الصليب و رافعهم بإيديه

صل.

للصلاة قفوا

السلام لجميعكم

و لروحك أيضاً

أيها السيد الرب يسوع المسيح إلهنا الذى خاطب تلاميذه القديسين و رسله المُكْرَمين قائلاً:
إن أنبياء و أبراراً كثيرين اشتھوا أن يروا ما أنتم ترون و لم يروا و أن يسمعوا ما أنتم تسمعون و لم يسمعوا.
أفأ أنتم فطوبى لعيونكم لأنها تبصر و لآذانكم لأنها تسمع.
فلنستحق أن نسمع و نعمل بأناجيلك المقدسة بطلبات قديسيك.

صلوا من أجل الإنجيل المقدس.

يا رب ارحم.

أذكر أيضاً يا سيدنا كل الذين أمرونا أن نذكرهم فى تضرعاتنا و طلباتنا التى نرفعها إليك أيها الرب إلهنا.
الذين سبقوا فرقدوا يا رب نيحهم، المرضى اشفيهم.
لأنك أنت هو حياتنا كلنا و خلاصنا كلنا و رجاؤنا كلنا و شفاؤنا كلنا و قيامتنا كلنا.

— أوشية الإنجيل - القداس الباسيلي و الغريغوري و الكيرلسي

بعد كده بنقول مرد المزمور حسب المناسبة (و ممكن قبله جزء من المزمور بالقيطي)

يدخل أبونا و الشماس الهيكل ثم يضع أبونا يد بخور واحدة بعد كده يدور بوجهه و الشماس قدامه بظهره و يسلم
الشماس البشارة الى الكاهن

إشارة إلى سمعان الشيخ عندما حمل السيد المسيح و قال "الآن ياسيدى تطلق عبدك بسلام حسب قولك"

الدوران بالبشارة و الصليب معناه أن البشارة بالانجيل (بعد الصليب و القيامة) بلغت العالم كله

في نهاية الدورة بيقف الشماس على شمال المذبح و أبونا على اليمين و بتتقال مقدمة الإنجيل

قفوا بخوف الله لسماع الإنجيل المقدس

مبارك الآتي باسم رب القوات يا رب بارك الفصل من الإنجيل المقدس من (.....)

المجد لك يا رب

— مقدمة الإنجيل - القداس الباسيلي و الغريغوري و الكيرلسي

الإنجيل

كل الناس يتقف بخشوع و إنصات عشان تسمع كلام ربنا .. و إذا دخل أحد وقت قراءة الإنجيل يقف فى مكانه و لا
يتحرك عشان ربنا بيتكلم

الأصل أن الذي يقرأ الانجيل هو الأسقف و اذا لم يقرأه الاسقف يقرأه الكاهن و إذا لم يقرأه الكاهن يقرأه الشماس



☁ أبونا يخرج و يقف عند الإنجيل و **يبخر 3 مرات** و هو يقول "مبارك الآتى باسم الرب اسجدوا لإنجيل يسوع المسيح"

✚ اللي بيقرأ الإنجيل **بيكون قدامه البشارة أو ماسكها** ... يعني ربنا اللي هيتكلم دلوقتي

💡 أثناء قراءة الإنجيل **يقف شماسان ممسكان بشمع مضئ** واحد عن يمين الانجيل و الاخر عن يساره ...

الشمع لا يضاء للقارئ ولا لتبديد الظلام .. بل لإظهار الفرح و السرور بالإنجيل وقد قيل فى المزمور "سراج لرجلى كلامك ونور لسبيلي"

🙏 أثناء قراءة الإنجيل **أبونا يقول صلاة الحجاب** و هو واقف قدام باب الهيكل ... و دي عبارة عن طلبات و أواشي و صلوات عشان سلام الكنيسة و كل من فيها

الجزء اللي هايتقري **بيتحدّد على حسب سنكسار اليوم** ... يعني مثلاً لو تذكّر نياحة بطرك, بنلاقي يوحنا 10 (إنجيل الراعي الصالح)

قراءة الإنجيل تشير لحضور السيد المسيح كمعلّم وسط شعبه لذلك يقدم الكاهن البخور للإنجيل و يردد الكاهن والشعب "مبارك الآتى باسم الرب" و هى نفس العبارة التى قيلت للسيد المسيح عند دخوله لأورشليم

قانون الإيمان

🎵 بعد نهاية الإنجيل **بيتقال مرّد الإنجيل** حسب اليوم

🎤 بعد كده ممكن يكون فيه **وعظة** قصيرة أو تأمل على إنجيل اليوم

🙏 بعد كده ممكن نصلي **الأواشي**

✚ بعد كده بيقف الشماس على باب الهيكل **ماسك صليب** و يقول:

انصتوا بحكمة ... يا رب ارحم. يا رب ارحم. بالحقيقة ...

— مقدمة قانون الإيمان - القداس الباسيلي و الغريغوري و الكيرلسي

🗨 بعد كده بنصليّ **قانون الإيمان** و ده قانون اتحط في مجامع مسكونية عشان يحافظ على الإيمان المسيحي الصحيح

كلنا بنؤكد و نراجع إيماننا بفكر و عقيدة الكنيسة الأرثوذكسية فنصبح كنيسة واحدة في الفكر و الإيمان فنقدر أن نتحد جميعاً في جسد المسيح الواحد بالتناول في آخر القداس الإلهي